

## 28 TACHENII

curii sublimati uncias duas, misce, inde phiolæ rotundi ventris, hæc erecta non stet, sed prona decumbat in arena, & quando videris sublimatum ascendisse, verte phiolam in calore continuo, donec tota materia rubescat, quod fit 8. horas circiter. Refrigerata & fracta phiola, abluet salia tepida aqua acidum pulverem sparge supra vitrum seu bulliens seu ignitum & intrat, & tingit pulcherrimè.

Sic quoque possumus literas seu figuras polito marmorì calefacto cum sanguine draconis inscribere, cuius acida pinguedo penetrat lapidis porositate, ut de novo poliri possit, ignari vero existimant miraculum & naturæ opus. Idem fieri potest cum Gutta Gemù.

*Rumor sine Capite.*

Cap. 6.

**C**ircumfertur modus eliciendi ex calcinato silice diureticam vim per alcali destructionem, id est per regulam alcali contrariam cum acidis spiritibus hoc modo. In spiritum salis frustulatim iniiciunt calcem viuam, qui statim  
ma-



## HIPPOCRATES. 29

magno impetu & vehementi ebullitione ab alcali calcis combibitur, phlegma insipidum euocant, & calcem acido saturatam, in triquetro seu crucibulo leui igne liquant, liquefactam in frigidum mortarium fundunt, frige factam materiam tundunt (igneas scintillas tunc spargit) in puluerem, ex quo aqua calida falsedinem eliciunt, purificant, coagulant, & rursus sponte in liquorem salsum defluere sinunt non inutilem.

Reperiuntur autem sophistæ & impostores, qui promittunt hunc liquorem per retortam distillari, miscent nimirum prædictum liquorem cum calcinatis filicibus & puluerizatis in quadrupla proportione, & distillant aperto igne in acidum spiritum, quem spiritum calcis viuæ Basili peruerso nomine appellant.

Sed videamus cuius sit filius dictus distillatus spiritus, primo nimirum absorptus fuit spiritus salis ab alcali vitrificante, & in igne constantissimo.

Deinde acida pars filicis per aquam fuit separata & reiecta sub facum larua.

Tertio Alcali fixum filicis vel calcis hausit acidum salis spiri-

B 3 tum,



tum, nil inde fieri potest, quam materia falsa, est enim composita ex acido & alcali.

Quarto, miscent hoc sal cum calcinatis silicibus, id est cum calce viua, alcali fixo prædominante.

Hanc mixturam vrgent igne validissimo, sed reuera aliud nil extillat neque extillari potest quam acidum volatile quod affundisti, id est, idem spiritus salis, quem alcali absorpserat.

Hunc spiritum, celeberrimi viri plurimi æstimarunt in podagra & lithiasi tanquam quid singulare, euentus autem docet nil aliud quam salis simplicem spiritum esse.

Adeoque Basilius male intellectus, non scripsit impostoribus licet ab his inique pro falsario proclamatus. Quadrat hic Comici dictum: Si sapias, quod scis, nescis.

*Addo huic examini.*

**Q**Uod hac methodo quilibet processus, tam chemicus quàm medicus, possit ingenio & discursu probari, & verus à falso discerni, sine expensis vllis aut temporis perditione, postquam imbutus fueris hac Hippocratica doctrina, quam

*Natura  
nil quicquam  
habet occultum  
in hoc sub-*



## HIPPOCRATES. 31

quam breui compendiolo hęc tra-  
do, nec amplius possis ab imposto-  
ribus, sophistis & deceptoribus  
circumueniri: imò hac methòdo  
operando, & libros scribendo per  
omnia tria regna, animale scil. mi-  
nerale & vegetabile, in hac natu-  
rali Hippocratica vera & antiquis-  
sima philosophia recto tramite  
progredi sine errore vllò, nec se-  
duci in progressu fateberis.

*lunari glo-  
bo, quod  
medicinã  
spectat, vt  
Hippocra-  
tico hac  
methòdo  
manifestã  
non fiat.*

*Qui benè distinguit benè docet.*

### Cap. 7.

**P**RO maiore lumine & intelli-  
gentia, operæ pretium erit al-  
calium differentiam, & quid sit  
contrarietas vel acidorum absorp-  
tio & imbibitio, priusquam pro-  
grediar, ad oculum demonstrare  
*segnius ait poeta irritant animos  
demissa per aures quam quæ sunt  
oculis subiecta fidelibus.*

Sunt autem vt dixi varii gradus  
& species salis alcali fixi, quæ ex  
vegetabilium cineribus acti flam-  
ma reuerberatis per lixiuationem  
educuntur *vt cap. 21.* declarabo, vt  
tartari singularis priuilegii, tiliæ,  
coryli, ex omniumque quercuum  
generibus, & ex iis vegetabilibus,

*Alcaliza-  
tus cinis  
proiectus  
vbi cimices  
regnant.*

B 4 quæ